



QUÆSTIO MEDICA,

CARDINALITIIS DISPUTATIONIBUS,

*manè discutienda in Scholis Medicorum,
die Veneris vigesimâ. quintâ Februarii.*

M. RENATO LE CONTE, Doctore
Medico, Præside.

An Cervisia, Potus saluberrimus?

I.

QUOD per domesticas & peregrinas causas, tum solidæ, tum fluidæ corporum viventium substantiæ deperit & detrahitur; id identidem per esculenta & potulenta utcunque reponitur & reficitur: hinc perennis horum necessitas ad vitæ & corporeæ molis incrementum & conservationem. At cum non omnibus omnia alimenta & potulenta ex æquo convenient: ea seligenda sunt habitâ imprimis ratione animantium, sexûs, ætatis, temporis, soli, regionis, secundæ aut adversæ valetudinis: alia sunt brutorum, alia hominum, infantium, juvenum, mulierum, virorum, sanorum, & ægrorum: alia hyeme, alia æstate, alia in Oriente & Occidente requiruntur, alia in Meridie & Septentrione. Quàm pauca præter Cervisiam invenias potulenta quæ convenient toti ferè animantium generi, omni sexui, ætati, tempori, regioni & quæ in secundâ & adversâ valetudine tutius consumi possint. Medicinæ est, quam meritò dixeris salutis humanæ præsidem artem, illa sanis corporibus & ægris ubiquè promittere & exhibere.

I

VINUM laudent sapientiores ut pharmacum lactificans cor hominis. Laudent & illud Baccho devoti clientes, quosque juvat violentiâ vini conturbare animam corpore in ipso. Volup-

tuarium tamen venenum sitim accendit austâ bibendi aviditate & voluptate, & dum limpidissimo suo liquore partes proluendo humectare molliter videtur, dolofo ardore succendit insidiosus hostis. Qui vinum non odit, amet, ô Neustria, tua pomacea, nobiles vappas, factitia vina, citiùs acefcentia. Canat verò Pindarus ἀεισὼν μὲν ὕδωρ; sed ut primum in Elementis δὲ θεῶν τοῖς μεγάλους ἐξοχα παύται sicuti aurum pretiosissimum in Metallis. Aqua imbecillissima vix alit, quod norunt edaciores hydropotæ, cocta, tumultum lenta feret stomacho. Potent suas lymphas limonibus & saccharo conditas Muhammedi asseclæ, quos vini abstinentia armis potentior fecerat terrarum dominos. Potent & Sarmatæ & Poloni suum non innoxium ἰδρυμελί: ista habent suas dotes sed suis vitiis & damnis quandoquæ infames; dulcia se in bilem vertunt, obstruuntque visceribus ut plurimum nocent. Si quæ, alieno vitio, Cervisia ferat incommoda, hæc suâ virtute innumeris compensat commodis; degeneres potus, constans & inemendabilis arguit improbitas.

III.

CERVISIA vetustissimum potionis genus, Herodoto οἶνος ἐκ χειμάς πεποιημένος, Theophrasto οἶνος ἐκ τῆ χειμᾶν, & τῆ πυράν: Gallorum olim, nunc borealium populorum nectar, ex hordeo & tritico ad hunc modum optima conficitur. Frumentum aquâ maceratum donec intumescat, acervatim sepositum germen emittit; furno exsiccandum imponitur, tostum, in crassiorē farinam molâ redigitur, vel aquâ coquitur, vel fervidâ tantum irrigatur; colatura, lupuli floribus injectis iterum coquitur ad minorem ipsius amaritudinem: hoc decoctum rursus colatum ac tepesactum, fervet adjectis Cervisiæ facibus; deinde doliis infusum, ad domesticos usus reconditur. Ut panis ex frumento cibus saluberrimus; sic Cervisia genuinus tritici fætus aut ut ita dicam panis liquidus, potus est saluberrimus; illius & hujus maximè miscibiles & sibi invicem proportionatæ particulae ut potè homogeneæ, facilius unâ in stomacho concoquuntur, facilius unâ transeunt per ductus chylicos; & juvante figurarum similitudine permeant meliùs vasa nutritioni inservientia, & unicuique parti ad quam deferuntur ad incrementum & nutrimentum, assimilantur & uniuntur perfectiùs ob suæ compositionis analogiam. In plagis Septentrionalibus datur infantibus adhuc lactentibus puls seu pul-

mentum ex medullâ panis intritâ & coctâ in Cervisiâ, quod salubritate superat nostram pulticulam farinaceam & lacteam, deficiente fermento, infantilis ventriculi & intestinorum tortorem. Lenissimum & benignissimum continet Cervisia fermentum, sitis domitorem potentissimum. Ejus spuma siligineo pani nunc & antiquitûs adjecta, hunc & leviozem & salubriorem efficit. Hæc te soletur quodd frumenta nostratia, Asiaticis inferiora, ad concoctionem & nutritionem fermenta postulant. Hoc habet Asiatici frumenti bonitas, ut rejiciat corruptivam fermenti admixtionem, & extemporaneum & boni succi suppediret panem.

I V.

NON omnis fert omnia tellus, non ubique æqualis bonitatis Cervisia. Differentia major à frumentis, aëre, locis, & aquis; inter exoticas, optima Bruxellensis, Harlemensis; crassior & gravior Amstelodamensis; gratissima Londinensis. verum ne peregrinis invidas, domesticis contentus, quas ames habet tua Lutetia Cervisias; Nymphæ patriæ, arti, Solo, & opimis Franciæ frugibus obscundantes, largiter effundunt latices poculis aptos cerealibus. Elige quæ conficiuntur ad superiores & proximas Sequanæ ripas; deinde quæ in suburbio sancti Germani decliviori immensæ urbis loco, scaturiente in puteis aquâ ex alluente Sequanâ; his bonitate proxima quæ ad fanum divi Antonii; deteriora & gravissima quæ in suburbiis sancti Victoris & Marcelli ex turbulento nempè ^a rivo, illâc præterfluente, & ex petrosis, frigidissimis & durissimis puteorum fontibus parata. Caveas ne his poculis immisceantur semina coriandri; mirâ enim vitiorum & fraudum solertiâ inventum, quemadmodum Cervisia magis & pejus inebriaret. Infundatur Hormini fragrantis semen, Moscatelli vini saporem & odorem suaviter referet cerealis ille liquor: huic accescenti injecta creta medetur.

^a La Bievre.

V.

MULTIPLEX Cervisia ex multiplici coctionis gradu, ex majori aut minori frugum copiâ; sed ea melior censenda, quæ tenuior aut secundaria, confecta vel Martio & Aprili mensibus, vel temperato cælo, non acescens, nec recentior, nec vetustior. Illam ægris & febricitantibus securas propina, ptisanæ vulgaris & jusculorum vice. Ptisanna vel lentore alvum astringit,

vel suo pondere & humiditate movet sine more; laxâ ventriculi compage, intestina & venæ omnes accipiunt inimicum imbrem, rimisque fatiscunt; hinc hydrôpes, hinc contumaciores morbi. Juscula ex dissolutis partibus carniû sulphureis conflata, febri- lia incendia non minuunt sed augent, non restingunt sed accen- dunt, ægros non tam nutriunt quàm lædunt. Mirare quos ho- mines ferunt & alunt Septentrionales plagæ omnes penè abste- miæ, proceros, robustos, oris formâ & colore eximios, inte- grâ corporis constitutione præstantes ultrâ vires sortemquè senec- tæ, nervorum & articulorum vitiis, calculo, renum & vesicæ tormentis rariùs obnoxios. Cervisia temperat viscerum æstus; obstructos partium meatus aperit; alvum & urinam leniter citat; nimis calida & sicca corpora emendat suâ humiditate; nimis humida & frigida amico & leni suo calore fovet; nimis mollia benigno lupuli amarore firmat & durat; firmior, extenuata magis ac magis corroborat & nutrit.

Ergo Cervisia, Potus saluberrimus.

Proponebat Parisiis CAROLUS THUILLIER, Aurelius,
Baccalaureus Medicus. A. R. S. H. 1695.

Apud Franciscum Muguet, Regis & Facultatis Medicinæ Typographum.